

Pilersaarusiorneq aamma nunaminertat atorneqartarnerat pillugu Inatsisartut inatsisissaattut siunnersuut dd.mm.2010-meersoq.

(Ineqarnermut, Attaveqarnermut Angallannermullu Naalakkersuisumit saqqummiunneqartoq)

pillugu

Attaveqarnermut Ineqarnermullu Ataatsimiititaliap

ISUMALIUTISSISSLUTAA

Siunnersuutip aappassaaneerneqarnerani saqqummiunneqartoq

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Justus Hansen, formand, Demokraatit
Inatsisartunut ilaasortaq Aqqaluaq B. Egede, Inuit Ataqatigiit
Inatsisartunut ilaasortaq Kaali Olsen, Inuit Ataqatigiit
Inatsisartunut ilaasortaq Anders Olsen, Siumut
Inatsisartunut ilaasortaq Malik Berthelsen, Siumut

Ataatsimiititaliap siunnersuut UKA 2010-mi ulloq 28. september 2010-mi siullermeerneqareermat misissorpa.

Siunnersuutip imaa siunertaalu:

Kommuninut ataatsimoortumik tapissutit ikilineqarnerat pissutigalugu atuisut aningaasaliisinneqartalernissaannik kissaateqarneq siunnersummut siullertut tunngaviuvoq. Inatsisartut siusinnerusukkut peqqussutaata nalunaarutilu ataatsimut allanneqarnissaat tullertut kissaatigineqarpoq, taamaalilluni inatsit paasuminarneruleqqullugu atuisunillu atoruminarneruleqqullugu. Nunaminertanik atugassiissutiginnermi sulianik suliarinninnermut akiliummik akiliisalerneq inatsisisstatut siunnersuut aqqutigalugu atuutilersinneqarpoq. Nunamik piginnittussaatitaaneq pillugu inatsisisigut inissisimaneq siunnersuutikkut allanngortinneqanngilaq.

Tamatuttaaq naammagittaaliuuteqartarfiup qanoq katitigaanissaa pillugu siusinnerusukkut nassuaatit peerneqarput. Taamaalilluni naammagittaaliuuteqartarfiup naammagittaaliuuteqartarfimmot assingusumut siunissami ataatsimoortinneqarsinnaanera mattunneqanngilaq. Aamma inatsisisstatut siunnersummi § 62 imm. 2 naapertorlugu

kommunit allaffissornermut akilummik akileeqqusisinnaanerat inatsisisssatut siunnersutikkut atuutilersinneqarpoq.

Inatsisartut siunnersummiik siullermeerinerat

Siunnersuutip siullermeerlugu oqaaluuserineqarnerani siunnersuut Inatsisartuni partiinit tamanit annertuumik tapaserneqarpoq.

Sulianik suliarinninnermut akiliutip annertussusissaapeqqutigineqarpoq. Akiliutip annertussusissa kommunit namminneq aalajangersinnaagaat Ineqarnermut, Attaveqarnermut Angallannermullu Naalakkersuisup paasissutissiissutigaa.

Akileraarutit akiitsuutilluunniit pinnagit akiliut matumani pineqarmat, sulianik suliarinninnermut akiliut aqqutigalugu sulianik suliarinninnermi agguaqatigiissillugu aningaasartuutaarpiaartut matussuserneqassammata ataatsimiititaliap erseqqissassavaa. Inatsisisssatut siunnersummi § 54, imm. 2-mi allassimavoq ”Akitsuut oqartussaasut suliarinninnerannut atatillugu nunaminertanut oqartussaasut aningaasartuutaannut matussutaasinnaavoq. Akitsuutip annertussusaa assigiinngisitaartinneqarsinnaavoq, kisiannili ingerlatsinermut aningaasartuutinut tamanut, toqqaannartumik kommunip oqartussaasutut suliarinninneranut attuumassutilinnut matussutaasinnaalluni.“

Aammattaaq aalajangersakkamut nassuaatini allassimavoq; “nunaminertanut oqartussaasup suliarinninneranut aningaasartuutit tassaapput qinnuteqaatip immersorneqarneranut atatillugu ilitsersuineq, paasissutissanik pissarsineq pissarsiniarnerlu, digitaliseeriineq, aalajangiineq, nalunaarsuineq nakkutilliinerlu, tamanut saqqummiineq kiisalu §§ 44-miit 49-mut imaluunniit § 50 naapertorlugit oqartussaasunut kalluarneqartussanut imaluunniit eqqamiunut tusarniaaneq.”

Tassunga tunngatillugu sulianik suliarinninnermi aningaasartuutit piviusut kommunip uppernarsarsinnaassagai piumasarneqarmat ataatsimiititaliap oqaatigissavaa.

Siunnersuutip aningaasaqarnikkut kinguneqarnissaa naatsorsuutigineqanngitsoq ataatsimiititaliap maluginiarpa.

Attaveqarnermut Ineqarnermullu Ataatsimiititaliap inassuteqaatai

Ataatsimiititaliap isumaqatigiittup inatsisisssatut siunnersuut akuersissutigineqassasoq **inassutigaa.**

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

Justus Hansen, Siulittaaq

Aqqaluaq B. Egede

Anders Olsen

Kaali Olsen

Malik Berthelsen